

QVÆSTIO MEDICA

Quodlibetariis disputationibus manè discutienda in Scholis Medicorum, die jovis 9. Januarii.

M. CAROLO MARTEAU, Doctore Medico, Præsidente.

Suntne carnosæ minus ingeniosæ?

HOMO constat ex corpore & animâ, utriusque præstantiâ ceteris antecellit animalibus. Corpus (quod velut optimum & pulcherrimum vitæ supellectilem animâ sibi fabricata est) commendat structurâ elegans cum decenti colore, firmum robur, & laetitia inculcata; ex quibus forma corporis venusta exurgit, sæpissime soliditatis affecta. Ut mirum non sit feminam, quæ venustatem sibi propriam asserit, viro longè esse ingenio inferiorem. Qui tamen eam monstrum credit, injurius sit in naturam: quæ hominum perennitati prospicit, dum feminam præstantissimam & consiliosissimam opus edit, sine cuius consortio non nasceretur homo. Animæ cum corpore colligatio miraculi plena, quod fiat nullâ interiectâ substantiæ affinitate. Hoc enim totum materiam procreatur & primordiis generationis, menstruo solâ copiâ peccante, nec dicente ab uterino fermento, & semine in utroque parente prolifico, non è capite singulari corporis partibus decidit, sed è sanguine cum triplici spirituum genere permixto à testibus vi infusa confectio. Illa tota immaterialis & incorporea extrinsecus aëre, & à solo Deo creando infunditur, ipso conceptionis tempore; nec ullatenus pendet à corpore, secundum substantiam spectata: sine cuius commercio longè etiam præstantiâ sua obiret munia. Sed huic alligata tota iners jacet, nisi & hoc illi opus aliquid affuset. Quare sibi mutuum ancillantur corpus & animâ ad functiones vitæ edendas. Sua enim animæ corpus elargitur organa expedita & comparata ad obsequium: dividit animâ cum jure imperij facultates, & spiritus ad vitæ munia designat. Quin etiam viæ animæ in quolibet non aliundè dispar apparet, quam ex sensuum præstantiâ, diversâ cerebri conformatione, totius corporis structurâ, inæquali temperie, ac etiam ex corporis habitu, qui variat proculvis humoris dominatû.

ANIMÂ motu & cognitione definitur: si verum amamus, hujus facultatum & functionum doctrinâ, nec non de iis à veteribus infinita dissertatio quævis, res est tota tenebris plena. Quis enim hucusque satis illustravit, quâ ratione cudentur spiritus, corpora subtilissima & tenuissima in cerebro frigidioris quâ naturæ industriâ ad minimas & remotissimas corporis partes momento defenatur quorum vi & impetu ingens musculorum moles, in varias imò & oppositas partes distrahatur: unâque imperante animâ, innumera vel etiam dissitæ particule, interjectis partibus immoris, motus innumeros edant: dum & ipsi spiritus simul & sensibus & menti interviunt, ad distincta sibi obeunda; nec cerè tenebras dispellunt recentiores, valvulis, fibrillis, hiaribus, aliisque rebus quas in nervis, motuque & sensuum organis excogitantur. Nec majorem lucem afferunt ex sua fermentatione plus æquâ decantatâ: quasi singulis partibus suum insit fermentum, à quo omnis pendear actio: quam sanè satius est uni calori & spiritui præcipuis animæ instrumentis acceptam referre. Ne ergo cum ipsis naturam ad nostros conceptus contorque videtur, hoc unum asserendum, eam licet indoctam & ineditam, quæ facta sint opus, præstare: quorum modum nec mens humana semper attingit. Errant qui non sensum, sed solam mentem rerum judicem volunt: cum etiam actio intelligentiæ, ab his quæ sibi sensum cadunt, proficiatur: ut propterea sensuum autoritas rationi sæpè sit anteposenda. Sensus totus corpori immerfus vel est internus, vel externus: hujus quinque species numerantur: nec enim à tactu voluptatem veneream quis rectè distinguit: ille functione quidem multiplex, sed reipsâ simplex. Homo omni sensu omnia vincit animalia. Uni animæ mens infidet, quâ solus homo est præditus: quæqueres etiam incorporeas & ab omni materiâ abstractas contempletur. Nunquam hæc ægrotat: quidquid inscit Hippocrates viro aliqui maximus) non semper tamen sui similis videtur, dum sensibus affixa hæret: unde & homo magis minusve ingeniosus æstimatur & ubi phantasia menti species præbet purgatissimas, (quod rarum est in carnosâ) hujus munia præclaris peraguntur.

MENTIS plures sunt virtutes, sed duo prima genera: unum earum quæ in voluntate posita, magis proprio nomine appellari solent virtutes, quarum est excellens in animorum laude præstantia: quales sunt prudentia, temperantia, fortitudo, justitia, & reliquæ ejusdem generis. Alterum earum quæ solent suapte naturâ ingenerari, & ideo appellantur non voluntate: hujus generis sunt docilitas, acumen, solertia, memoria, & etiam prudentia: quæ ferè omnia appellantur uno ingenij nomine: easque virtutes qui habent, ingeniosi vocantur. Sed earum connexio rara: vix enim aliquem reperias, quem his omnibus becturam. Verum hæc negat, usu & labore quis potest sibi comparare: hinc alium naturâ, alium doctrinâ gignit. Immo & homines simplices nati, quos ingenij penna non adjuvat, assiduo studio ingeniosos post se aliquando relinquunt. Nisi enim colatur, torget ingenium. Si recta quoque adhibeatur victus ratio, prudentiores & acutiores præter naturam evadent: quin etiam ingenio stimulus subdere fama solet: miserisque venit solertia rebus. Ut tamen alter alteri laudis virtutibus à naturâ præstita, sic alter altero eas facilius allegerit, pro sensuum præstantiâ, qui sanè & acuti quam promptissimè ab objectis propriis afficiantur, ut veri sint rerum interpretes, ne in errorem mentem inducant: pro laudabiliore capitis structura, quod hinc inde peritum deprimunt, occipite amplum, fronte & fyncipite prominent: pro cerebri temperie & conformatione, quod sit copiosum, nonnihil calidum sicum, suis sinibus distinctum, omnis generis ductibus, neque angustioribus, neque laxioribus pervium, periculum emittendis halibus humorumque reliquiis, tersâ ac meabili texturâ donatum, & spirituum limpidissimorum copiâ collustratum: in quo toto mens præcipuam suam sedem habet, non in conario: denique pro vario in toto corpore exuperante humore, unde alios vides pingues, alios graciles, subflavos, rubicundos, albos, nigros, duros, molles, glabros, hirsutos: qui fuerint carnosî, ad omnes ingenij virtutes minus habiles redduntur.

DOCILITAS quædam est mentis aptitudo, ad ea, quæ quis ignorat, ab aliquo edificanda, quâ etiam idem sollicitè & frequenter applicat animum aliorum documentis, quæ nec negligat, nec contemnat, donec ea percipiat. Quis eam credat in carnosâ totam reperiri, quorum motus omnes segnes sunt, lenti, & pigri? acumen promptitudo est, quâ quis celeriter quæ animo observantur apprehendit: vel etiam ad ea quæ proponuntur, quam citissime & apertissime repouit, beneficio spirituum, qui sunt tenues, subiles, & ad motum velocissimi. Quales non procreantur in carnosâ corporis habitudine, crassioris & tardioris humoris indice. Solertia habilitas est seu potestas ea etiam ex tempore & proprio Marte intelligendi vel investigandi, quæ fieri expedit: citò & facile abstrusa quæque cognitumque difficilia percipiendi, eaque uberius & ornatis explicandi: & quodvis medium inveniendi quo quid ad scopum, eumque laudabilem perducatur. Ubi enim malus est ac turpis scopus, versutia nominanda: de quâ solâ venit intelligendum, fraus ingenij comes. Solertia augent purgatissimâ & plurimi spiritus: quales fieri prohibet in carnosâ impedita transpiratio: immò & in carnis molem plures humores absumentur, unde & pauci supersunt, & quibus cudentur spiritus, qui nec sunt ab omni fæce purgati. Memoria rerum est diuturna conservatio, quas quis mente percepit, eodemque ordine, quo eas edidit, pro tempore factâ explanatio. Qui oculis multa edidit, quæ citò obliviscitur, memor non dicendus: sed qui longo post tempore, eadem reponit: in quo sanè nititur, splendorque cerebri cum siccitate conjunctus commendatur. Utroque destituitur carnosî, in quibus & mollius est cerebrum, & sanguine fuliginoso circumfusum. Prudentia non in solâ voluntate posita est, sed etiam suapte naturâ ingeneratur: nec enim solus est amor boni & fuga mali: sed & eorum, quæ bona sunt vel mala dignoscere ac prævisio: ut quod bonum est discernatur ac eligatur. Quod possitimum pendet ab acri & stabili judicio: quale vix reperias in carnosâ: quorum etiam sensus molles sunt & obtusi, ut propterea mentem non satis collustrant, sed potius quædam veluti caliginis obstruunt: unde & hæc non accuratè rerum discrimina distinguunt.

INGENIOSUM vix aliquem reperias in quo unus tantum exuperet humor: sed in quo propè æqualis est omnium mixtio, in eo omnes etiam ingenij virtutes conneantur, licet is à ceteris aliquâ superetur. Jure ergo optime temperatis ingenij palma defertur. Biliofi acie & celeritate ingenij ceteros vincunt: sed obliuiofi, imprudentes, leves, temerarij, superbi, impotentes, & infansia proximi. Melancholici (quales etiam reddid singularis vitæ institutio) pro calor aut frigoris excessu, ut varios animi motus edunt, sic varias obtinent ingenij virtutes. Acri quidem judicio, & facili memoris ceteris aliquando præstant, propofiti sunt tenaces, ubique fixi & constantes: sed dum peritacis sua fœca aëqua vel iniquâ propugnant, vel aliquâ abstrusum & difficile feruntur accandunt, sunt subfusiofi, vel melancholici morbis obnoxij: vix intransibiles planities lubrilibus delectantur tantum, vel mæore consuecunt: plorat cum à nemine vexantur aut verberantur: minime metuenda metuntur: molestia afficiuntur ubi minime convenit: & sentiunt quæ prudentes non deceant. Pituitosi, qui carnosî sunt, sed molles & albi, ad quodlibet animi munus inepti redduntur: nec nisi animo more corporis munia obeunt: ut revera mente & corpore fiant inertes. Sanguinei, quos maxime carnosus esse contingit, animi quidam docilitate æpissimè aliorum documenta nec contemnuunt nec negligunt, quæ tamen vix mente paulò obtusiori percipiunt. Quorum caro est siccâ, dura, adstricta, densa aut compacta, ij quidam nervosi, robusti, & hirsuti existunt, ad corporis exercitia vehementiora sunt aptiores, improprietatibus sunt patientes, ut etiam ferendis, vel boum instans mentis emotiones, & morum ferocia inducitur: non nisi duro & pertinaci labore, quas is denegavit naturâ, acquirunt ingenij virtutes: nec ingeniosos dixeris, qui crassipes magis feracitatem quam lenitatem sunt participes: quæ solam longiori morâ & diuturniori meditatione, quæ animo observantur apprehendunt: quasi supra humanam sortem sit, ut quis simul valeat & sapiat. Quorum verò caro molli est & humida, laxa, rara, aut spongiosa, vel etiam multo adipè circumfusa, ij labores non ferunt: quæ non ante fiunt, ut plurimum percipere nequeunt: segnes sunt, curis vacui, & somnolenti, venusti, sed ignavi & imbelles: sinceri & minime mali, sed creduli: ingenui & simplices, sed acanorum nequaquam tenaces, quæ enuntiando, diras frages edunt incauti: hilares, sed solidi, vel etiam dementes: & ad omnes artes crassi, neque subiles, neque acuti, nec nisi pingui & tardo ingenio donati.

Sunt ergo carnosæ minus ingeniosæ.

DOMINI DOCTORES DISPUTATURI

M. Paulus Martor.
M. Carolus le Long.
M. Ludovicus Morin.

M. Petrus Lombard.
M. Philippus Mathon.
M. Raymondus Fieret.

M. Franciscus Blondel.
M. Jacobus Renant.
M. Claudius Quiquebese.

Proponebat Parisiis MICHAEL DE HODENCQ, Potianus Ambianensis Baccalaureus Medicus. A. R. S. H. 1681.